



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

XXXVII. Henricvs II. Elector XXI.

[urn:nbn:de:hbz:466:1-64326](#)

pam, quarum primam comiserunt abutendo per sumum nefas dape Evcharistica clam ablata: alteram fundendo Christianorum parvolorum sanguinem, & præstigiis adhibendo: tertiam denique puteos inficiendo. An. Salutis 1284. multorum lacrymâs parentatum est, postquam 24. annis Moguntiam Archipræfut illustravit sub novem Pontificibns Romanis, nimirum Alexandro IV. Urbano IV. Clemente IV. Gregorio X. Innocentio V. Hadriano V. Joanne XIX. Nicolao III. & Martino II. Sepulto Wernerio Canonicorum partes geminæ paribus suffragiis in Electorem suum delegerunt Gerardum Comitem Eppensteinum Trevirensim Archidiaconum, & Petrum Reichensteinum Basileensem Canonicum, majoris Ecclesiæ inter Moguntinos Præpositum, quondam Rudolphi Habsburgici Medicum. Annis tribus discordia pertinax Sedem reliquit viduam: denique inter duos litigantes gaudere tertium jussit Honorius IV. Pontifex, ea tamen moderatione, ut Petrum Reichensteinum Basileensibus Episcopum dederit, Gerhardo autem spem promotionis fecerit maximam. Cæterum inter duos litigantes ille tertius fuit

XXXVII. HENRICVS II. ELECTOR XXI.

Henricus II. inter Episcopos Basileenses hujus nominis IV. Isenæ in Suevia ex parentibus tenuis fortunæ natus: præclaris tamen animi dotibus & virtutibus viam ad lauros & mitras sternere sibi didicit: inter Monachos enim D. Francisci cooptatus, Doctoris Theologiæ insignia capeffivit, discipulorum haud paucorum Magister, & paulò post Lucernæ Basileæque Guardianus, ut vocant, ubi simul Rudolpho Comiti, & mox Imperatori à sacris confessionibus, consiliis & legationibus fuit. An. 1274. inter dissidentes Canonicos, nemine tamen dissidente lectus Episcopus, munus suum obivit magno totius Diœcesis emolumento. An. 1285. Legatum mittere Romam constituit ad Hono-

rium IV. Pontificem Imperator Rudolphus. Comittitur Henrico legationis munus & gravissimarum juxta tractandarum cum Pontifice reruin. Hujus porro legationis optatissimus Pontifici fuit successus, quando Rudolphus sacræ Sedi confirmavit Bononiam, Romaniolam, & simul Exarchatu Ravennate cessit. Officio legati præclarè functus Henricus, Pontificis summam erga se gratiam ita promeritus est, ut pinguem bene navatæ operæ remunerationem exspectare posset; & bene expectâsse eventus probavit: creatus enim ob id maximè Elector Moguntinus, tribus annis placuit multis, & multis displicuit; hos inter Canonici ægro animo sustinuerunt Electorem & Archipræsulem obscuro loco natum, & invitis obtrusum. Annus vitæ ultimus erat Henrico 1188. Ferè cum Honorio IV. in Sedem promotus & morte remotus.

XXXVIII. GERARDVS II. ELECTOR XXII.

Gerardus II. Comes Eppensteininus jam non unius tantum partis, sed ferè omnium calculis electus Archipræsul, auditâ sui electione ac promulgatione latus, contendit Romanam quamprimum, ubi à Nicolao IV. Pontifice Archiepiscopus consecratus, & pallio est exornatus. In Germaniam redux Hannovia Comitem procaciùs multa dicentem & facientem coercuit, simûlque Fuldenses subditos contra Principem suum seditiosos in ordinem rededit. Anno 1291. Rudolphi Cæsari justis persolutis Adolphum Nassovium bellica laude dotib[us]que aliis multis insignem Ducem ad Imperatoriam dignitatem pene solus evexit, eundémque ad Imperij coronam suscipiendam Aquisgranum deduxit. At qui tantopere placuit Imperator, paulò post maximo pere Gerardo displicuit: Adolphum enim fortunam suam non capientem, & in scelera effusum denique, idem qui creandi, fuit etiam author exauthorandi Cæsarlis, vocato in Imperij thronum Al-

berto.